

01/a-50-1

21-07-2010

**Bosna i Hercegovina
MINISTARSTVO PRAVDE**



**Босна и Херцеговина
МИНИСТАРСТВО ПРАВДЕ
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

Broj: 03-07-14-7277/10
Sarajevo, 14.07.2010.godine

| | | | |
|------------------------|-----------------------|------------|--------------|
| PRIMLJENO: 22.07.2010 | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1 | | 1579/10 | |

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO**

n/r predsjedavajućeg Predstavničkog doma, gosp. Nike Lozančića

PREDMET: Odgovor na zastupničko pitanje

V e z a : Vaš akt broj 01/a-50-1-15-79/10 od 21.06.2010.godine

U prilogu dostavljamo odgovor na zastupničko pitanje gospodina Adema Huskića, zastupnika Predstavničkog doma Parlamentarne skupštine Bosne i Hercegovine, postavljeno na 79. sjednici Predstavničkog doma održanoj 16.06.2010.godine.

Za pripremu odgovora Predstavnički dom Parlamentarne skupštine Bosne i Hercegovine zadužio je Ministarstvo pravde Bosne i Hercegovine.

S poštovanjem,



MINISTAR

Bariša Čolak

Dostavljeno:

- Naslovu x33
- a/a

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

Adem Huskić, zastupnik Predstavničkog doma Parlamentarne skupštine Bosne i Hercegovine, na 79.sjednici Predstavničkog doma, održanoj 16.06.2010.godine, postavio je slijedeće zastupničko pitanje:

„Šta ste poduzeli i šta planirate poduzeti da se Mirsad Salkić iz Bihaća, pripadnik oružanih snaga BiH, pusti na slobodu nakon što je uhapšen u Republici Srbiji zbog navodnog ratnog zločina koji je počinio u Hrvatskoj?“

U vezi sa navedenim pitanjem daje se slijedeći

ODGOVOR

Ministarstvo pravde Bosne i Hercegovine, diplomatskim putem obaviješteno je dana 16.06.2010.godine, aktom Ambasade Bosne i Hercegovine u Beogradu od 15.06.2010.godine, o lišenju slobode u Republici Srbiji državljanina Bosne i Hercegovine Mirsada Salkića rođenog 02.08.1971.godine u Bihaću.

Prema obavijesti Ambasade Bosne i Hercegovine u Beogradu, imenovani je lišen slobode zbog osnovane sumnje da je počinio krivično djelo „krađa oružja ili dijela borbenih sredstava“ iz člana 223. stav 3. Krivičnog zakona SFRJ i krivičnog djela „napad na vojno lice u vršenju službe“.

Viši sud u Beogradu je dana 17.06.2010.godine ukinuo pritvor državljaninu Bosne i Hercegovine Mirsadu Salkiću i isti je pušten na slobodu, tako da nije bilo potrebe za poduzimanje radnji od strane Ministarstva pravde Bosne i Hercegovine.

O puštanju na slobodu Mirsada Salkića, Ministarstvo pravde Bosne i Hercegovine je službeno obaviješteno dana 07.07.2010.godine, aktom Ministarstva vanjskih poslova Bosne i Hercegovine od 01.07.2010.godine.

U vezi s naprijed navedenim, posebno ističemo da državljani Bosne i Hercegovine lišeni slobode u inostranstvu zaštitu svojih prava ostvaruju najprije putem diplomatsko-konzularnih predstavništava Bosne i Hercegovine u inostranstvu. Naime, ovlašteni službenici diplomatsko-konzularnih predstavništava Bosne i Hercegovine u inostranstvu mogu uvijek posjetiti lica lišena slobode na njihov zahtjev i pružati im odgovarajuću pravnu pomoć u skladu sa odredbama člana 36.Bečke konvencije o konzularnim odnosima iz 1963.godine. Naprijed navedeno, a u skladu s odredbama odnosne Konvencije, podrazumijeva da se ta pomoć pruža u skladu sa zakonima strane države, ali s tim da ti zakoni dopuštaju potpuno ostvarenje ciljeva za koje su ta prava omogućena.

U svim slučajevima lišavanja slobode državljana Bosne i Hercegovine u inostranstvu a prije preduzimanja bilo kakve aktivnosti, Ministarstvo pravde Bosne i Hercegovine o tome mora biti službeno obaviješteno od nadležnog organa države u kojoj je državljanin Bosne i Hercegovine lišen slobode.

Po prijemu službene obavijesti o lišenju slobode državljanina Bosne i Hercegovine u inostranstvu, Ministarstvo pravde Bosne i Hercegovine postupa isključivo u skladu sa međunarodnim ugovorima koji obavezuju Bosnu i Hercegovinu, bilo da je riječ o bilateralnim ugovorima koje je Bosna i Hercegovina zaključila sa drugim državama ili bilateralnim ugovorima koje je Bosna i Hercegovina preuzela notifikacijom o sukcesiji ugovora bivše SFRJ, bilo da su u pitanju međunarodni multilateralni ugovori tj. konvencije iz krivično-pravne oblasti.

Ministarstvo pravde Bosne i Hercegovine je prije svega, dužno da državi koja liši slobode državljanina Bosne i Hercegovine pruži svu međunarodnu pravnu pomoć u skladu sa odredbama međunarodnih ugovora iz krivično-pravne oblasti, a čija je potpisnica Bosna i Hercegovina, ukoliko je takva pomoć zatražena, te da dostavi dokumentaciju i relevantne informacije koje se odnose na predmetno lice. Ovo iz razloga što je suština pružanja međunarodne pravne pomoći da lice ne može napustiti teritoriju jedne države kako bi u drugoj državi izbjeglo krivično gonjenje.

Ministarstvo pravde Bosne i Hercegovine može u skladu sa odredbama međunarodnog ugovora predložiti državi u kojoj je lišen slobode državljanin Bosne i Hercegovine da ustupi krivično gonjenje Bosne i Hercegovini ili da podnese ekstradicijski zahtjev za izručenje tog lica u Bosnu i Hercegovinu, ukoliko se krivični postupak protiv istog vodi ili je to lice već osuđeno u Bosni i Hercegovini za isto krivično djelo.

U određenim slučajevima koje predviđaju pojedini međunarodni ugovori, kao što je npr. ugovor zaključen sa Republikom Srbijom (Ugovor između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima), države ugovornice su, kada je riječ o krivičnim djelima protiv čovječnosti i međunarodnog humanitarnog prava, u obavezi da donesu odluku o ustupanju krivičnog gonjenja drugoj državi, ukoliko osumnjičeni, okrivljeni ili optuženi imaju državljanstvo druge države ugovornice i prebivalište na njenoj teritoriji, a krivični postupak se za isto krivično djelo vodi na teritoriji obje države ugovornice.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2017/10
Sarajevo, 28.7.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

29.07/10

| PRIMLJENO: | Organizator Jednice | Klasifikaciona oznaka | Redni broj | Broj priloga |
|------------|------------------------|--------------------------|---------------|-----------------|
| | 01-50-1-15-78/10 | | | |

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 129. sjednici održanoj 27.7.2010. godine, utvrdilo je Odgovor na zastupničko pitanje koje je postavio gosp. Sadik Bahtić, zastupnik u Zastupničkom domu Parlamentarne skupštine Bosne i Hercegovine.

U pritviku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2017/10
Sarajevo, 27.7.2010. godine

Sadik Bahtić, poslanik u Predstavničkom domu Parlamentarne skupštine Bosne i Hercegovine, na 79. sjednici Predstavničkog doma održanoj 16.6.2010. godine, postavio je sljedeće poslaničko pitanje:

“Šta ste poduzeli i šta planirate poduzeti da se Mirsad Salkić iz Bihaća. Pripadnik Ožuranih snaga BiH, pusti na slobodu nakon što je uhapšen u Srbiji zbog navodnog ratnog zločina koji je počinio u Hrvatskoj?”

Na postavljeno pitanje, Vijeće ministara Bosne i Hercegovine je na 129. sjednici održanoj 27.7.2010. godine, utvrdilo sljedeći

ODGOVOR

Odmah nakon saznanja da su srbijanske vlasti 12. juna 2010. godine uhapsile Mirsada Salkića, građanina Bosne i Hercegovine prilikom ulasku u Srbiju, Ministarstvo vanjskih poslova BiH je izdalo nalog Ambasadi BiH u Beogradu da uputi protestnu notu Republici Srbiji zbog kršenja Bečke konvencije o konzularnim odnosima tražeći da se odmah, bez odlaganja izvrši puštanje na slobodu g. Salkića.

MVP BiH se odlučilo na takav korak nezadovoljno činjenicom da je Ambasada BiH u Beogradu tek treći dan, i to nezvaničnim putem, obaviještena o predmetnom hapšenju, čime je onemogućen pravovremeni kontakt sa g. Salkićem i promptno pružanje konzularne zaštite. Predstavnici Ambasade BiH su otišli u posjetu i razgovarali su sa g. Salkićem u pritvorskoj jedinici čim su se za to stekli uslovi. MVP BiH i Ambasada BiH u Beogradu čitavo vrijeme su aktivno pratiti razvoj situacije u cilju pružanja konzularne zaštite i osiguranja prava i interesa bh državljana.

Ministar vanjskih poslova BiH Sven Alkalaj dobio je informaciju o predmetnom hapšenju u trenutku kada je boravio u Crnoj Gori gdje je prisustvovao sastanku ministara vanjskih poslova država članica Centralnoevropske inicijative. Ministar Alkalaj je tom prilikom izrazio verbalni protest povodom navedenog hapšenja i informirao ministra vanjskih poslova Srbije Vuka Jeremića da ovakvi postupci Srbije narušavaju odnose BiH i Srbije, doprinose izgradnji nepovjerenja i potkopavaju razvijanje dobrosusjedskih odnosa, te zatražio hitno puštanje g. Salkića na slobodu.

MVP BiH je uradilo sve u okviru svojih ingerencija kako bi g. Salkić mogao biti oslobođen, što se nakon niza koordiniranih aktivnosti desilo 17. juna 2010. godine kada je g. Salkić doputovao u Sarajevo u pratnji Ambasadora BiH u Srbiji.

O pravovremenoj i efikasnoj reakciji MVP BiH najbolje svjedoči sam g. Salkić koji kaže: *“Bosansko-hercegovačke vlasti učinile su puno kako bih ja što prije izašao. Zahvaljujem se bh. diplomatiji i u BiH i u Beogradu, jer da nije bilo njih, ne bi bilo ovako. Da nije bilo intervencije naše ambasade i predsjedavajućeg Predsjedništva BiH dr. Silajdžića ja sigurno još ne bi izašao iz zatvora!”*

Predsjedavajući Predsjedništva BiH dr. Haris Silajdžić također je javno pozdravio koordinirane poteze ministra vanjskih poslova BiH i ambasadora BiH u Beogradu koji su rezultirali oslobađanjem Mirsada Salkića iz beogradskog zatvora.

Bosna i Hercegovina
Ministarstvo odbrane-obrane



01/a-50-1 22-07-2010
Босна и Херцеговина
Министарство одбране
PARLAMENTARNA SKUPŠTINA BOSNE I HERCEGOVINE
SARAJEVO

Broj:06-50-3050-2/10
Sarajevo, 15.07.2010. godine

| | | | |
|------------------------|-----------------------|------------|--------------|
| PRIMLJENO: 22.07.2010 | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1-15-79/10 | | | |

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

- n/r gosp. **Niko Lozančić**, Predsjednik Predstavničkog doma

PREDMET: Poslaničko pitanje Sadika Bahtić, odgovor

VEZA: Vaš akt broj 01/a-50-1-15-79/10 od 21.06.2010. godine

Gospodin Sadik Bahtić, poslanik u Predstavničkom domu Parlamentarne skupštine Bosne i Hercegovine, na 79. sjednici Predstavničkog doma održanoj 16.06.2010. godine, postavio je pitanje Ministarstvu odbrane Bosne i Hercegovine koje glasi:

“Šta ste poduzeli protiv odgovornih za skandal u Stocu gdje su BiH vojnici, prilikom otkrivanja spomenika poginulim pripadnicima HVO-a, postrojavani uz hrvatsku himnu “Ijepe naše”?

Ministarstvo odbrane Bosne i Hercegovine, u prilogu akta, dostavlja odgovor na poslaničko pitanje gosp. Sadika Bahtića u skladu sa članom 155. stav (3) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, broj 33/06, 41/06, 81/06, 91/06, 91/07 i 87/09).

S poštovanjem,

Prilog: Odgovor na poslaničko pitanje gosp. Sadika Bahtić

Dostavljeno:

- naslovu
- a/a



79
MINISTAR

dr. Selmo Cikotić

Odgovor na poslaničko pitanje gosp. Sadika Bahtić

Poštovani,

Angažiranje pripadnika Oružanih snaga Bosne i Hercegovine u okviru Manifestacije "Lipanjske zore" čiji je organizator koordinacija udruga HVO-a grada Mostara izvršeno je na osnovu Odluke Ministra odbrane Bosne i Hercegovine o angažiranju resursa Oružanih snaga Bosne i Hercegovine (broj: 06-50-2794-1/10 od 10.06.2010. godine). Odluka je donesena na osnovu zahtjeva Komandanta 1. pješačke (gardijske) pukovnije Oružanih snaga Bosne i Hercegovine (broj 16-14-13-25-03-50-29-42/10 od 02.06.2010. godine) i dopisa načelnika Zajedničkog štaba Oružanih snaga Bosne i Hercegovine (broj 16-05-50-130-130/10 od 08.06.2010. godine) kojim je dao saglasnost na zahtjev Komandanta 1. pješačke (gardijske) pukovnije.

Ovom Odlukom u dijelu Manifestacije koja je održana u Stocu, a povodom otvaranja spomen obilježja poginulim braniteljima HVO-a općine Stolac, odobreno je angažiranje sljedećih resursa Oružanih snaga Bosne i Hercegovine, i to:

- počasne desetine,
- trubača i dva vojnika za polaganje vijenaca, i
- korištenje 2 (dva) šatora.

U izvještaju komandanta 4. pješadijske brigade Oružanih snaga Bosne i Hercegovine se navodi da su pripadnici Oružanih snaga Bosne i Hercegovine bili angažirani na ispomoći realizacije Manifestacije, te da su isti korektno i profesionalno izvršili zadatke odavanja počasti u skladu sa procedurama propisanim za odavanje vojnih počasti, tako da prema njima nisu poduzimane mjere odgovornosti zbog propusta organizatora Manifestacije.

Postupanje pripadnika Oružanih snaga Bosne i Hercegovine u ovakvim i sličnim slučajevima regulisan je Standardnim operativnim procedurama, ali se ne može predvidjeti scenario organizatora na ovakvim i sličnim manifestacijama.

Podsjećamo da član 6. stav (1) Zakona o službi u Oružanih snaga Bosne i Hercegovine ("Službeni glasnik Bosne i Hercegovine" broj 88/05) definiše da pješadijski pukovi baštine identitet i vojno naslijeđe jedinica i konstitutivnih naroda iz kojih potiču.

U Ministarstvu odbrane Bosne i Hercegovine trenutno se poduzimaju intenzivne aktivnosti na donošenju propisa kojima će detaljno biti regulisani uslovi i procedure angažiranja pripadnika Oružanih snaga Bosne i Hercegovine prilikom obilježavanja događaja i manifestacija vezanih za period 1992.-1995. godine.

S poštovanjem,

